

Mohd Amirul Kasyful Nur bin Zulkifli

From: Unit Komunikasi Korporat
Sent: Wednesday, August 2, 2017 4:01 PM
To: UUM - All Staff; UUM - All Students
Subject: UUM-IAIN Palangka Raya, Indonesia Tingkat Jalinan Kerjasama Antarabangsa



Unit Komunikasi Korporat
CORPORATE COMMUNICATION UNIT
Universiti Utara Malaysia



02 OGOS 2017 / 09 ZULKAEDAH 1438H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee
Gambar oleh: Muhammad Shamsul Shafie

UUM-IAIN PALANGKA RAYA, INDONESIA TINGKAT JALINAN KERJASAMA ANTARABANGSA



UUM ONLINE: Kuala Lumpur - UUM telah memeterai Memorandum Persefahaman (MoU) dengan Institut Agama Islam Negeri (IAIN) Palangka Raya, Indonesia dalam usaha mengembangkan lagi kerjasama di peringkat antarabangsa.

Majlis pemeteraian itu menyaksikan UUM yang diwakili Naib Canselor, Prof Dato' Seri Dr Mohamed Mustafa Ishak dan IAIN Palangka Raya diwakili Dr Abdul Qodir, wakil Rektor Bidang Akademik dan Pengembangan Lembaga menandatangani MoU tersebut di UUMKL, pagi tadi.

Naib Canselor dalam ucapannya berkata, dengan kerjasama itu, UUM boleh berkongsi pengetahuan dan pengalaman dengan IAIN Palangka Raya dalam aspek pembangunan modal insan.

"UUM bersedia menawarkan kepakaran yang dimiliki untuk membantu IAIN mencapai kejayaan demi kejayaan, bagaimanapun ia memerlukan perancangan rapi.

"Tambahan pula, IAIN Palangka Raya mempunyai prospek masa hadapan yang cerah dan kini sedang melalui fasa kemajuan yang pesat dan saya yakin ia boleh pergi lebih jauh," katanya.

Menurut beliau lagi, untuk berjaya juga tidak boleh bersendirian, sebaliknya perlu mengadakan banyak kolaborasi sama ada bersama universiti lain atau industri kerana universiti terkemuka dunia sekalipun turut menjalinkan kerjasama dengan pihak luar untuk berjaya, selain memiliki modal insan yang kukuh.

Naib Canselor turut berharap kerjasama antara UUM dan IAIN Palangka Raya tidak tertumpu pada bidang undang-undang, sebaliknya diluaskan lagi kepada program seperti Pengurusan Perniagaan dan Perniagaan Islam yang ditawarkan UUM.

Sementara itu, Dr Abdul Qodir berkata, dengan adanya MoU itu akan membantu IAIN Palangka Raya untuk terus memperoleh kejayaan seperti yang telah dikecapi UUM.

Menurutnya, IAIN Palangka Raya dahulu merupakan sekolah tinggi sahaja sebelum menjadi institut pada 2014 dan berharap dapat menjadi sebuah universiti kelak.

Hadir sama Dekan Pusat Pengajian Undang-undang, Prof Madya Dr Zainal Amin Ayub dan pegawai-pegawai kanan UUM dan IAIN Palangka Raya.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.